

ՄՐԲՈՑ ՎԱՐԴԱՆԱՆՑ ՏՈՆԸ ՄԱՅՐ ԱԹՈՌՈՒՄ

Փետրվարի 19-ին Մայր Աթոռ Սուրբ Էջմիածնում մեծ շուքով նշվեց Ս. Վարդանանց Կոնք, որի առիթով, հանդիսապետությամբ Ն.Ս.Օ.Տ.Տ. Գաբեգին Բ Ծայրագույն Պատրիարք և Ամենայն Հայոց Կաթողիկոսի, Մայր Տաճարում մատուցվեց Ս. Պատարագ: Պատարագիչն էր Գևորգյան Նոգևոր Ճեմարանի պետուհի Տ. Սահակ եպիսկոպոս Մաշալյանը:

Սրբազան Հայրն արարողության ավարտին հավուր պատշաճի բարոգ խոսեց՝ անդրադառնալով մեր ժողովրդի և Եկեղեցու կյանքում Ավարայրի ճակատամարտի նշանակությանը և նրա քրիստոնեական ընկալմանը (տե՛ս էջ 18):

Հայ Առաքելական Եկեղեցու ընկալյալ ավանդության համաձայն՝ Ս. Վարդանանց Կոնք նաև Ամենայն Հայոց Կաթողիկոսի անվանակոչության օրն է: Պատարագիչ Սահակ Սրբազանը հոգևորականների և ներկա բազում հավատացյալների անունից ջերմորեն շնորհավորեց Վեհափառ Հայրապետին այս առիթով՝ մաղթելով քաջառողջ կյանքի երկար օրեր և անսասան հովվապետական գավազան: Սրբազան Հայրն ուրախությամբ արձանագրեց, որ Նորին Սրբության գահակալության օրոք յուրովի վերագարթոնք է ապրում Հայ Եկեղեցին և Մայր Աթոռ Սուրբ Էջմիածինը:

Այնուհետև Իջման Սուրբ Սեդանի առջև կատարվեց Հայրապետական մաղթանք, որի ընթացքում ներկաներն աղոթեցին Ամենայն Հայոց Կաթողիկոսության անսասանության և Վեհափառ Հայրապետի կենաց արևշափության համար:

Ս. Պատարագից հետո Գևորգյան Նոգևոր Ճեմարանի հանդիսությունների դահլիճում Կոնքի ունեցալ Վարդանանց Կոնքին նվիրված հանդիսություն: Տերունական աղոթքին, ՀՀ օրհներգին և Ճեմարանի քայլերգին հաջորդեց Ճեմարանի փոխպետուհի Տ. Դավիթ արեղա Զարամյանի բացման խոսքը: Օրվա խորհրդի մասին բանախոսությամբ հանդես եկավ Ճեմարանի հայ ժողովրդի պատմության դասախոս Ավետիս Հարությունյանը՝ անդրադառնալով հայ ժողովրդի պատմության ընթացքում Վարդանանց անպարտելի ոգու դրսևորումներին:

Հանդիսության վերջում ներկաներին իր հայրական պատգամն ու հորդորը փոխանցեց Ամենայն Հայոց Հայրապետը: Նորին Սրբությունը խոսեց Ս. Վարդանանց խորհրդի, հայոց ոգու անպարտելիության հաղթանակի մասին, որոնցով դարեր շարունակ ներշնչվել են մեր նախնիները՝ որպես ազգ և ժողովուրդ: Հայոց Հայրապետը հորդորեց ամենքին Ավարայրի հերոսամարտի ոգեկոչումով, Վարդանանց նույն արիությամբ դիմակայել բոլոր փորձություններին և վտանգներին, որոնք մեր ժամանակներում ծառացած են մեր ժողովրդի առջև և սպառնում են մեր ազգային ինքնությանը, քրիստոնեական նկարագրին ու բարոյահոգեբանական արժեքահամակարգին: Նորին Սրբությունը Հայրենիքի, հայոց հավատի և ժողովրդի պաշտպանության սրբազան գործում մեծապես կարևորեց եկեղեցականների առաքելությունը՝ քաջությամբ և վճռականորեն դուրս գալ նոր մարտահրավերներին դեմ հանդիման:

Ս. Վարդանանց Կոնքին նվիրված շարականներով, ազգային երգերով և բանաստեղծություններով հանդես եկան ճեմարանականները:

ՄԱՅՐ ԱԹՈՌ ՍՈՒՐԲ ԷԶՄԻԱԾՆԻ

თბილისის საკათალიკოსოს მეთაურის, მამია კახიას, საკათალიკოსოში შესასვლელად მიმავალი ფოტო





ՎԵՀԱՓԱՌ ՀԱՅՐԱՊԵՏԸ ՕՐՀՆՈՒՄ Է ՎԱՐԴԱՆԱՆՑ ՏՈՆԻ ԱՌԻԹՈՎ
Ս. ԷՋՄԻԱԾԻՆ ԵԿԱԾ ՀԱՅՈՑ ԲԱՆԱԿԻ ԶԻՆՎՈՐՆԵՐԻՆ